


"The Lago Story" di Jorge Ridderstaat bautisa na San Nicolas



DEN presencia di un grupo grandi di persona e buki "The Lago Story" scirbi pa Jorge Ridderstaat a wordo bautisa pa padrino Dufy Kock y madrina Betty Goeloe. Testigonan Joost Howard (layout y diseño di e portada di e buki), Des Croes, Joyce Pereira, Wim Rutgers y Alice van Romondt di Fundacion Editorial Charuba a mira con despues cu e stelten-loper Carlos a trece e buki bailando riba tono di e calypso di Lord Boxo (efm) "God bless Lago", champagne a basha.

E buki ta resultado di 7 aña di investigacion y combersacionnan extenso cu hendenan den nos comunidad cu a traha na Lago. E resultado ta unico! Y "The Lago Story" ta un documento cu mester ta den cada cas aki n'Aruba!

Pa casualidad 4 Mericano cu a nace n'Aruba den Lago Hospital den añanan 40 y Monique Beaujon, yiu di Alix y Anthony Beaujon, kende tambe a nace den Lago Hospital a forma parti di esnan presente.

Tur 5 ta bibando na Merca, y ta bishitando Aruba. E 4 Mericanonan a bini specialmente pe evento unico aki.


Roland Peterson a declama 2 poesia impresionante "White sand and black oil"...did we remember to thank the immigrants? y "The flame"

Bao guia di Marina Haynes, e hobennan Beautiful Voices a canta y Young Dancers a baila riba tononan di musica di e tempo di Lago.

B.v.d. Veen Zeppenfeldstraat, e pida caya dilanti di SinFa tabata sera pa trafico y e decor di e caya a worde forma p'e autonan clasico, e old timernan di entre otro Eddie Werleman y Marcelino Kock.

Editorial Charuba a crea e ambiente di tempo di Lago cu e autonan aki, luz di color como adorno, steelband di Bito tocando y den Sinfa un exposicion di kita sombre! E porta di Sinfa tabata un pida arte di Adolfo Valbuena, subsidia pa Aruba Post Bookstore y Charlie's Bar, dunando un bista di e empleadonan saliendo for di tereno di Lago y e Lago sign grandi poni mei mei. Impresionante!

Cu ayudo di sr. Henri Coffie, Biblioteca Nacional, sra. Greta Williams, Charlie's Bar a logra duna un impresion kico Lago



tabata nifica pa Aruba. Tambe Franklin de Cuba y Johny Koolman di Biblioteca nacional a traha un dvd di Lago. Manera un hende a expresa: "T'e holo di Lago so falta awe".

Danki na subsidio di Cede Ar-

uba, Prins Bernhard Cultuurfonds, Caribbean Mercantile Bank, e buki "The Lago Story" a mira luz di dia y e celebracion por a tuma lugar adecuadamente danki n'e ayudo di Banco Central, Aruba Trading Company, Bon-bini Cargo y

Don de Veer. Editorail Charuba ta yama danki na tur cu a duna Jorge Ridderstaat e atencion. "The Lago Story" ta na benta na tur libreria y pa pedidonan di exterior Boekhandel van Dorp t'e agente exclusivo pa Editorial Charuba.